

Publicaziuns officialas dils 26 settember 2025

Vischnaunca Trun

Damondas da baghegiar

Datum da publicaziun: 26-09-2025

Petenta: Cordula Lombriser Via Sogn Giusep 6 7166 Trun
Object: Damonda per la construcziun d'ina casa da curtin sin parcella 1572 a Pustget.
Zona: Zona da habitar e da mistregn (M2)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Votaziun federala

L'urna principala en canzlia communal ei aviarta sco suonda:

Gievgia, ils 25-09-2025, 09.30-11.30, 15.30-17.30

Venderdis, ils 26-09-2025, 09.30-11.30, 15.30-17.00

Dumengia, ils 28-09-2025, 09.00-10.30

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen venderdis, ils 26 da settember 2025 allas 17.00 tier l'administraziun communal (tel. 081 920 20 40).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votaramaun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 28 da settember 2025 allas 10.30 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastanza communal

Sanaziun dalla via Carmanera

Sco finiziun dalla sanaziun dalla via Carmanera retscheiva il tschancun naven dalla via Principala tochen tier la casa da Flurine Sandra Decurtins la cuvrida fina. Ord quei motiv sto quella part dalla via Carmanera vegnir serrada naven da mesjamna, ils 24 da settember entochen mardis, ils 30 da settember 2025. Il traffic sa sviar sur la via Campliun. En cass da schliatt'aura ston las lavurs vegnir spustadas. Per damondas stat il cau dil menaschi tecnic, Albert Spescha (081 920 20 45), a disposiziun.

Suprastonza communal Trun

Serrada via Sumaglina a Schlans

Muort lavurs da manteniment sto la via Sumaglina vegnir serrada per tut il traffic. La serrada cuozza naven dils 7 d'october entochen ils 10 d'october 2025. En quei temps vegnan las cuvridas dallas punts denter Sontgas Mariase Lavrius sanadas. En cass da damondas stat il selvicultur Carlo Monn (081 920 20 46) a disposiziun.

Menaschi tecnic Trun

Serrada via Nadels naven dil Rost

A partir digl 1. d'october 2025 ei la via da Nadels naven dil Rost serrada per il traffic motorisau muort in tagl da lenna. La lenna vegn raccolta cun la suga ord igl uaul. Cunquei ch'il plaz ei restrenschiu sto la via vegnir serrada. Ei vegn sespruau da tegner liber la via durant la fin d'jamna. Naven da venderdis ils 17 d'october 2025 duess la via puspei esser aviarta per il traffic. En cass urgents e motivai eis ei da prender si contact cun il selvicultur Carlo Monn (081 920 20 46) ni cun il responsabel per il tagl da lenna Dumeni Candinas (079 827 34 37). Nus engraziein per vossa capientscha.

Uffeci forestal Trun, Candinas SA

Preavis – Concerts da Mario Pacchioli a Trun

Sut il tetel «Canzuns ord mia valischa» envidan Mario Pacchioli e la vischnaunca da Trun a treis seras da concert en sala da cultura.

Datums:

Venderdis, ils 28 da november allas 20.30

Sonda, ils 29 da november allas 20.30

Dumengia, ils 30 da november allas 17.00

Reservaziun: canzlia@trun.ch, 081 920 20 40 Dapli informaziuns anfleis vus sut www.mariopacchioli.com ni sut www.trun.ch

Administraziun communal Trun

Uniun samaritana Sumvitg-Trun

Aziun da spender saung

Gliendisdis, ils **29 da settember 2025** naven dallas 18:30 entochen allas 20:30 en sala dil center communal a Trun. L'uniun samaritana selegra sin stedia participaziun.